

Generazione Z no dei giovani...ma dei falsi giovani: i noni!

Se mi gavessi savù che in do anni saria cambià cussì tanto la mia vita, me gavessi ciolto il bonus psicologico due anni ancora prima... però, xe de pezo: se mi gavessi savù che il covid gavarìa colpì la fascia più anziana de sto mondo, saria partì per l'America e non saria tornà più a casa. Non scherzo. Quanto ga cambià il covid i nostri noni, ancora oggi non posso creder.

Me ricordo che prima del covid gavemo dovù cambiar el telefonin a mia nona, la quale voleva un telefonin moderno, più grande. E cussì ghe gavemo comprà sto benedetto Samsung. All'inizio gavevimo paura darghe sto telefonin...e jera mejo che non ghe davimo sto novo telefonin, perché jera mejo se ghe davimo quel telefono de 10 anni fa col fil e stavimo tutti senza problemi. La te ciamava ogni do secondi perché la fotocamera non se verziva, non se sentiva la voxe della chiamata, non se vedeva ben le foto e, mi non so come, la xe riuscida a cambiar la lingua del telefono dallo sloven al mandarino...una roba da mati.

Quando po' la se ga abituà, jerimo tutti più calmi: la ga imparà a far foto, a ciamar la gente per el suo "vazzappa", la ga inizià a utilizzar facebook...ed ecco qua che casca la piera: verzo facebook, vardo cossa xe de novo delle notizie, e vedo ela con i suoi "buongiorntissimo caffè ", "oggi per pranzo il sugo", "augurissimi cuginetta mia!" e la peggiore, una mia foto de 10 anni fa con dei cuoricini rosa e de sotto scritto: "il mio grande, ma piccolo nipotino.". Qua mi son andà in panico, perché chissà quali altre foto la gavessi podudo metter.

Ma questo jera abbastanza controllabile, perché la gavemo avvertì dei stalker, delle fake news e de robe simili, e te la senti: "ma cossa voi pensè che mi son una boomer? Mi son una new generation of nonne, mi so tutto de ste robete da fioi.". Mi, mi mare e mi nono solo la guardavamo, la ascoltavamo e infine go domandà a mi nono: "Ma nella minestra de verdura jera per caso qualche spezia che spuzzava de erba?" e lui ga risposto: "no, la xe cussì da quando la ga visto el video del sugo de un papagal.". Mi a quel punto domando a nona: "Nonna, ma ti da dove te ga sentì ste parole?", ed ela a mi: "Eh, te sa, mentre 'spetto davanti al lab per farne el "piffer" (che xe il pfizer), ciacolavo con le mie bestie de gossip...". Mi mare inizia a rider, mi nono provava a tradurse qualcosa e mi invece jero come una statua, non rivavo a comprender come ela, del mezozoico, conossi delle parole che mi, generazion nova, non mai sentì. Ghe go dito: "Bom nona, mi vado un po' a studiar

sti termini novi, cussì almeno te rivo a capir. Se vedemo doman.” “Se te vol te mando el link da dove go studià, AMIOEH.”, me dizi. Mi me son girà e son corso a casa.

Un'altra novità de mi nona xe chr ge ga inizià a piassi magnar fora, ma non in ristorante, ma nel McDonald's. Cioè, quando te passi davanti ad un Mc, te vedi tanti genitori, fioi, ragazzi, ma mai nonni...e invezze ela la ga fatto la differenza.

Un giorno la gavemo menà a far compere e poi gavemo deciso de andar a magnar qualcosa, e l'unico logo dove costa poco xe el Mc. Ela contraria, la menemo e se ciol un caffè, una roba che a mi non me fa impazzir. La zerca, la fa delle facce strane e po' la dizi: “Non xe mal sto caffè”. Noi tutti felici e contenti, andemo a casa.

Passa una settimana, andemo a comprar dei arredi per ela e, quando finimo el shopping, la dizi che la volaria andar al Mc: mi e mi mare semo rimasti un po' sorpresi, perché a ela ghe piazi solo robe fatte in casa. Bom, la menemo e ghe domandemo se la ciol un caffè o una cioccolata calda che la xe bona. “No, oggi vojo anche mi magnar sti panini e ste patate”, la dizi. Mi e mi mare la provemo a convincer che forse questo per ela non xe, ma ela la insisteva e, cossa te vol far, ghe gavemo ciolto: appena la ga messo un boccon in bocca la ga saltà de gioia. La ga magnà duto in cinque minuti. Ghe piaveva cussì tanto che la ga dito che quando andemo de novo a Capodistria la offrirà ela el secondo giro. Mi e mi mare solo guardavamo e speravamo che non la gavessi febbre e che non la ricevessi un mal de stomigo.

Non passa nemmeno due settimane che andemo a cior mio fradel de nona e lo vedemo a magnar patatine fritte con su el formagio con i miei nonni. “Ma cossa se matti magnar tante schifezze?”, ghe go domandà a nonna, ed ela me rispondi: “Non preoccuparte, go letto su facebook che xe san magnar ste robe, perché xe fatto solo de carne fresca e verdure raccolte de stagion”. Mi, che non podevo star zitto, allora ghe go dito: “Sì, forse la carne fresca de do anni fa e po' ricordemose che le patate non le cressi a luglio nona.” “Ma che ne frega, no stress, cici, sta chill.”, me ga dito. Mi, scioccà, son uscì da quella casa savendo che da quel momento in poi gavessimo dovù modernizzarse.

Ma cossa volemo, come passa le generazioni, cussì anche i nostri nonni se adatta alla modernità, non per questo i val de meno, anzi, almeno ora non servirà sprecar tanta aria per parlar con lori de nove robe. Gli anni passa per duti, ma i nonni ne resta per sempre.

P. S. Quando volè far conoscer ai nonni single cossa xe Tinder, fe molta attenzion che non ciapè a casa qualche indiano più giovine de voi.